

تاریخ دباچ : 25 جانواری 2019 / 19 جمادی الأولى 1440ھ



خطبة جمعة

تاجوق:

"كهرمونين هيدوق دالم مشاركت
مجموع"

تربیتن :

اونیت خطبة، بهاکین فغوروسن مسجد
جابتن اگام اسلام سلاغور



سناراي اهلي جاوتنكواس خطبة نكري سلاڱور

- 1- صاحب السعادة داتوء حاج حاريس بن قاسم (ڦڱوروسي)
ڦڱاره جائس
- 2- توان حاج محمد بصاري بن عمر (اهلي)
منتن تيمبلن ڦڱاره، جائس
- 3- كتوا ڦنولوڱ ڦڱاره (ستيا اوسها)
بهاگين ڦڱوروسن مسجد، جائس
- 4- صاحب السماحة داتوء دوكتور حاج انهاربن حاج اوفير (اهلي)
تيمبلن مفتي، جابتن مفتي نكري سلاڱور
- 5- أستاذ محمد فرحان بن ويجاي (اهلي)
إمام بسر مسجد سلطان صلاح الدين عبد العزيز شاه
- 6- أستاذ ايندرا شهريل بن محمد شهيد (اهلي)
ڦڱاواي مجلس اگام اسلام سلاڱور
- 7- توان حاج عبدالحليم حافظ بن صالحين (اهلي)
كتوا ڦنولوڱ مفتي (فتوى)، جابتن مفتي نكري سلاڱور
- 8- داتوء حاج عبد المجيد بن عمر (اهلي)
اهلي جاوتنكواس فتوى نكري سلاڱور
- 9- يغ برهاگيا دوكتور حاج عثمان بن حاج صبرن (اهلي)
منتن ڦنشرح اونيورسيتي ايندوستري سلاڱور (UNISEL)
- 10- توان حاج حميد بن مت عيسى (اهلي)
ڦنشرح، كوليچ اونيورسيتي اسلام انتارابغسا سلاڱور
- 11- توان حاج مد سهاري بن عبدالله (اهلي)
اهلي جاوتنكواس فتوى نكري سلاڱور
- 12- أستاذ خيرالعزمي بن خيرالدين (اوروس ستيا)
ڦنولوڱ ڦڱاره اونيت خطبة بهاگين ڦڱوروسن مسجد، جائس



"کهرمونين هيدوف دالم مشارکت مجموع"

الْحَمْدُ لِلَّهِ الْقَائِلِ : يَا أَيُّهَا النَّاسُ إِنَّا خَلَقْنَاكُمْ مِنْ ذَكَرٍ وَأُنْثَى
وَجَعَلْنَاكُمْ شُعُوبًا وَقَبَائِلَ لِتَعَارَفُوا^ج إِنَّ أَكْرَمَكُمْ عِنْدَ اللَّهِ
أَتْقَىكُمْ^ج إِنَّ اللَّهَ عَلِيمٌ خَبِيرٌ^و

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ
مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا
مُحَمَّدٍ وَعَلَى آلِهِ وَصَحْبِهِ أَجْمَعِينَ. أَمَّا بَعْدُ، فَيَا أَيُّهَا
الْمُسْلِمُونَ! اتَّقُوا اللَّهَ، أُوصِيكُمْ وَإِيَّايَ بِتَقْوَى اللَّهِ فَقَدْ
فَازَ الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا
اللَّهَ حَقَّ تَقَاتِهِ، وَلَا تَمُوتُنَّ إِلَّا وَأَنْتُمْ مُسْلِمُونَ.

مسلمين يڠ درحمتي الله سكالين،

برسمقنا هاري جمعة يڠ موليا اين، ساي
ايڠين برقسن كقد ديري ساي دان سيدڠ جمعة
يڠ درحمتي الله سكالين، ماريله سام ٢ كيت

¹ Al-Hujurat : 13.



منيغتکن کتقواءن کڤد الله سبحانه وتعالی دغن
مغرجاکن سکالا قرینتهن سرتا منجاءوهي سکالا
لارغثن. موده-مودهن الله سبحانه وتعالی ممبرکتی
کهیدوفن کیت این دغن نعمت، توفیق دان
هدایه یغ برقنجن سرتا براولیه کجایاءن ددنیا
دان دأخیره.

قد هاري این، خطیب ایغین مغاجق قارا
حاضیرین سموا اگر داقت مغھیاتی خطبة یغ
برتاجوق "کهرمونین هیدوف دالم مشارکت
مجموع."

سبلوم مزوسکن خطبة این، خطیب ایغین
مغیغتکن حاضیرین جمعة سکالین اکن قسنن
رسول الله ﷺ سوقای داقت منومقوکن قرهاتین
کڤد خطبة یغ اکن دسمقایکن. جاغنله برچاکف-
چاکف دان ملاکوکن قرکارا یغ سیا۲، ترماسوقله
مگکوناکن تیلیفون بیمبیت کتیک خطیب سدغ
میمقایکن خطبة.



حاضيرين يڭ درحمتي الله سكالين،

سسوڱگوھش كڙلباگانين بڱسا دان چارا
هيدوق، قريذاعن قندغن دان قرتمبوغن بودايا
انتارا مائسي اداله فطرة كجادين مائسي. اي
قرلو دتدبير دان داوروس دغن چارا يڭ بيجقسان.
اينيله چابرن يڭ امت بسر يڭ سكيراش كاگل
دقليهارا اكن منچتوسكن قريالهن دان ققرغن.

قارا حاضيرين سكالين،

كڙلباگانين بڱسا دان بودايا ايت سبنرث قنتيڭ
اونتوق معموركن بومي اين. اڅابيللا دكابوڱكن
دغن سماغت، ساليڭ بنتو-ممبنتو، برتوليرنسي
دان ساليڭ مپومبڭ كاره كجاياعن نكارا، مك
كهيدوقن مائسي اكن امان دان سجهترا.

اوليه يڭ دميكين، الله سبحانه وتعالى
مڱيغتكن كيت سوقاي هيدوق داتس بومي
سچارا هرموني، تولوڱ-منولوڱ، حرمت-مڱحرمتي



دان مراعيکن قريڙدان. اگام اسلام ملارڱ سسام
ماءنسي ممبيڙا-بيڙاکن سسام کيت برداسر کڦد
بغسا، کتورونن دان ورنا کوليت. سباليقن اسلام
منيلاي کمولياعن ماءنسي اداله برداسر کڦد
تاهڦ کايمنان دان کتقواعن مريک دسيبي الله
سبحانه وتعالى. اين دپاتاکن سچارا جلس ددالم
القرعان ملالوئي فرمان الله سبحانه وتعالى دالم
سورة الحُجرات، اية 13:

يَأَيُّهَا النَّاسُ إِنَّا خَلَقْنَاكُمْ مِنْ ذَكَرٍ وَأُنْثَىٰ وَجَعَلْنَاكُمْ شُعُوبًا
وَقَبَايِلَ لِتَعَارَفُوا إِنَّ أَكْرَمَكُمْ عِنْدَ اللَّهِ أَتَقْوَاهُ إِنَّ اللَّهَ عَلِيمٌ خَبِيرٌ



"واهاي اومت ماءنسي! سسوڱكوهن کامي تله
منچيشتاکن کامو دري للاکي دان قرمقوان، دان
کامي تله منجاديکن کامو برياکاي بغسا دان
برسوکو قواق، سوڦاي کامو برکنل-کنلن (دان
برامه مسرا انتارا ساتو دغن يڱ لاءين).



سسوڭكوهن سموليا-موليا كامو دسيبي الله اياه
اورغ يڭ لبيه تقواش دانتارا كامو، (بوكن يڭ لبيه
كتورونن اتاو بڭساڻ). سسوڭكوهن الله مها
مڭتاهوئي، لائي مها مندالم قڭتاهوانن (اكن
كأداءن دان عملن كامو)."

اين منجلسكن، والاوقون سساورغ مسلم
ايت دري قلباڭاي بڭسا، مريڪ سمووا اداله ساتو
اومت، سام طرف دان برساولارا يڭ دايكت دغن
ايكتن توحيد يڭ سوچي دان اڭوڭ دسيبي الله
سبحانه وتعالى تنقا مڭهيلڭكن ايدينتيتي
(identiti) بڭسا مريڪ والاو سديڪيت قون. اين
تربوقتي اقبابلا سيدنا أبو بكر الصديق دري بڭسا
عرب، بلال بن رَّبَّاحُ دري بڭسا حَبْشَه، سلمان
الْفَارِسِي دري بڭسا فرسي دان صُهَيْب دري بڭسا
روم دساتوكن منجادي ساتو اومت اسلام يڭ
موليا دسببكن كايمانن دان كاسلامن مريڪ.

مسلمين يڭ دكاسيبي الله سكالين،



سسوڭگوهن ڦربيداعن قوم دان بڭسا
دكالڭن ماعنسي بوكن هالڭن اونتوق هيدوق
برساتو-ڦادو. اسلام منڭسكن ڦربيداعن ايت
اداله حقيقة يڭ واجب دتريما دان دلپت سچارا
ڦوسيسٽيف (positif). ستياڦ چيڦتاعن الله
سبحانه وتعالى اد حكمة دان كبايقنڭن. اف يڭ
ڦنتيڭ كڦلباڭاين قوم دان ڦربيداعن بودايا اين
ڦرلولة داوروس دڭن بيڭق سچارا برحكمة
سسواي دڭن طبيعة ماعنسي يڭ ساليڭ ممرلوكن
انتارا ساتوسام لاءين.

مليپت كڦد كاداعن فطره ماعنسي دڭن
كڦلباڭاين بوداي دان بڭسا يڭ مجموع، مك
اسلام مڭڭاريسكن ببراڦ قاعده اونتوق
ممڦرايرتكن هوبوڭن دان ڦرڦادوان. انتاراڭ اداله:
ڦرتام: كيت هندقله مڭنلي تيتيق ڦرساماعن
دان منڭاڭ سمڦادن ڦرتيكاين اڦابيلاداش



قربيداءن. سباگاي چونتوه، سلوروه بگسا
چينتاکن سيکف تولوغ-منولوغ، منجاگ کحرمتن
دان رامه مسرا. مک سمارقکنله سواسان
ترسبوت کران اي ممقو مپاتوکن هاتي سسام
ماءنسي دان موجودکن کهرمونين.

كدوا: کيت هندقله منجادي اينديويدو يغ
ممولاکن بوداي سپوم دان مپيرکن سلام کفد
سسيف سهاج اورغ يغ کيت تموعي. اي
مروفاکن کلمة ايستيميو يغ دتونتوت اونتوق
دسيبر-لواسکن اوليه اسلام يغ چينتاکن کدماين
دان کهرمونين. ايتوله نصيحت نبي ﷺ کفد قوم
انصار دان مهاجرين کتيک بکيندا مولا ۲ سمقاي
دمدينة سفرتي يغ تله دپاتاکن اوليه عبدالله بن
سلام رضي الله عنه يغ برمقصود:

"کتيک رسول الله ﷺ داتغ کمدينة، اورغ
راماي سگرا قرني منوجو کفد بکيندا (کران ايغين
مليهتن). اد يغ مغاتاکن: رسول الله ﷺ تله داتغ،



لالو اكو منداتغيث دتغه-تغه اورغ راماي اونتوق
مليهتش. كتيك اكو مليهت وجه رسول الله ﷺ اكو
تاهو بهاوا وجهش بوكنله وجه ساورغ قمبوهوغ.
نصيحت قرتام يغ بكيندا اوچقكن اداله، "واهاي
سكالين مائهسي، سيبركنله سلام، بريكن ماكن،
سمبوغله صَلَّةُ الرَّحْمِ، صلاتله دوقتو مالم كتيك
اورغ لاءين سدغ تيدور، نسچاي كامو سمو اكن
ماسوق شرک دغن سلامت."

(رواية الترمذي).

حاضيرين يغ درحمتي الله سكالين،

قرلو كيت كتاهوئي، مشاركت مجموع بوكن
قركارا بارو دالم دنيا اسلام. مشاركت مجموع تله
وجود برابد-ابد لاماش. فكتا يغ تيدق داقت
دنافيكن، بهاوا مائهسي هيدوف دغن امان دباوه
قمرينته يغ عاديل ممرينته دبومي اين. الله
سبحانه وتعالى منكسكن بهاوا كهرمونين هاش
داقت دوجودكن اقابيل كقيمقين سسبواه نكارا



التزام دغن كعاديلن دان كسقساماءن يغ
دأجرکن اوليه اسلام. الله سبحانه وتعالى برفرمان
دالم سورة المائدة، اية 8:

يَأَيُّهَا الَّذِينَ ءَامَنُوا كُونُوا قَوَّامِينَ لِلَّهِ شُهَدَاءَ بِالْقِسْطِ
وَلَا يَجْرِمَنَّكُمْ شَنَاٰنُ قَوْمٍ عَلٰٓى اَلَّا تَعْدِلُوْا اَعْدِلُوْا هُوَ اَقْرَبُ
لِلتَّقْوٰى وَاتَّقُوا اللّٰهَ اِنَّ اللّٰهَ خَبِيْرٌۢمَّا تَعْمَلُوْنَ ﴿٨﴾

"واهاي اورغ ۲ يغ برايمان، هندقله كامو سموا
سنتياس منجادي اورغ ۲ يغ منگقکن كعاديلن
كران الله، لاني منرغکن كبنرن، دان جاغن
سكالي-كالي كبنچين كامو ترهادف سسواتو قوم
ايت مندوروغ كامو كقد تيدق ملاكوکن كعاديلن.
هندقله كامو برلاكو عاديل (كقد سسياف جوا)
كران سيكف عاديل ايت لبيه همشير كقد تقوى.
دان برتقواله كقد الله، سسوغكوهن الله مها
مغتهاهوعى دغن مندالم اكن اف يغ كامو
لاكوکن."



بردا سرکن ایات این، برسیکف عادیل اداله
امت دتونتوت اولیه اسلام. کعادیلن یغ
دمقصودکن بوکنله کسامراتان سقرتی یغ
دقرجواغکن اولیه بارت تتائی کعادیلن منوروت
إسلام ایاله ممبریکن سسواتو یغ برحق کقد یغ
سقاتوتش.

الله سبحانه وتعالی ممرینتهکن کیت اونتوق
برصفة بلس إحسان دان برقریکماءنسیان
ترهادف ماعنسی یغ لمه دان ممرلوکن بنتوان.

حاضیرین یغ برهاکیا سکالین،

مغاخیری خطبة قد کالی این، خطیب مپرو
دان مغاجق سلوروه اومت اسلام سوقای
مغحیاتی ببرا فغاجرن برایکوت اونتوق
دجادیکن سباکای قدومن هیدوف کیت:

1. اومت اسلام هندقله میقینی بهاوا
قنچیقتان قلباکای بغسا دان ایتنیک



منونجوقن کبسن الله اونتوق سالیغ معنلي
انتارا ساتو سام لاءین.

2. اومت اسلام هندقله سالیغ حرمت
مغحرمتي والاوقون هیدوف دالم کالغن قلباگای
بغسا اونتوق موجودکن کهرمونین هیدوف.

3. اومت اسلام واجب براوسها مپیبر لواسکن
کبزن اسلام دان کعادیلن کقد سموا ورگ
مشارکت یغ تردیری درقد برباگای کتورونن دان
سوکو بغسا.

أَعُوذُ بِاللَّهِ مِنَ الشَّيْطَانِ الرَّجِيمِ

وَمَا أَرْسَلْنَاكَ إِلَّا كَافَّةً لِّلنَّاسِ بَشِيرًا وَنَذِيرًا وَلَٰكِنَّ أَكْثَرَ

النَّاسِ لَا يَعْلَمُونَ ﴿٢٨﴾

"دان تیاداله کامی مغتوسمو (واهاي محمد)
ملاءینکن اونتوق اومت ماعنسی سلوروهش،
سباگای رسول قمباوا بریتا کمبیرا (کقد اورغ ۲ یغ



برایمان)، دان قمبري امران (کشد اورع ۲ یغ
ایغکر)، اکن تتاڤن کباپقن ماءنسي تیدق
مغتاھوئي (حقیقة ایت)."

(سورة سباء : 108).

بَارِكْ اللهُ لِيْ وَلَكُمْ فِي الْقُرْآنِ الْعَظِيْمِ، وَنَفَعَنِيْ
وَإِيَّاكُمْ بِمَا فِيْهِ مِنَ الْآيَاتِ وَالذِّكْرِ الْحَكِيْمِ وَتَقَبَّلْ
مِنِّيْ وَمِنْكُمْ تِلَاوَتَهُ، إِنَّهُ هُوَ السَّمِيْعُ الْعَلِيْمُ.
أَقُوْلُ قَوْلِيْ هَذَا وَأَسْتَغْفِرُ اللهَ الْعَظِيْمَ لِيْ وَلَكُمْ
وَلِسَائِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوْهُ إِنَّهُ هُوَ
الْغَفُوْرُ الرَّحِيْمُ.

فریزان / نورول

16.01.2019



خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا
بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ.

حاضرين سيدغ جمعة يغ درحمتي الله سبحانه
وتعالى،

خطيب سكالي لاني برقسن سوقاي كيت
سنتياس برتقوى كقد الله سبحانه وتعالى دان
برسوغكوه-سوغكوه ملاكوكن عمل صالح سرتا
برأخلاق دغن أخلاق رسول الله ﷺ. ستروسن
ماريله كيت سنتياس ممقربايقكن صلوات دان



سلام كأتس نبى كيت محمد ﷺ. فرمان الله
سبحانه وتعالى:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا
صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ
مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ اعِزِّ
الْإِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ
وَالْمُشْرِكِينَ وَدَمِّرْ أَعْدَاءَكَ أَعْدَاءَ الدِّينِ. وَانصُرْنَا
عَلَى الْقَوْمِ الْكَافِرِينَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،
وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ
تَحْفَظَ بَعَيْنِ عِنَايَتِكَ الرَّبَّانِيَّةِ، وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعْظَمِ، سُلْطَانَ سِلاغُورِ،



سُلْطَانُ شَرَفُ الدِّينِ ادریس شاه الحاج ابن
المرحوم سُلْطَانُ صَلَاحُ الدِّينِ عبد العزيز شاه
الحاج. اَللّٰهُمَّ اَدِمِ الْعَوْنَ وَالْهِدَايَةَ وَالتَّوْفِيقَ،
وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ سِلاَغُورِ، تَعَكُّو
أَمِيرِ شَاهِ ابْنِ السُّلْطَانِ شَرَفُ الدِّينِ ادریس شاه
الحاج، فِي أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا
ذَاجَلَالِ وَالْإِكْرَامِ. اَللّٰهُمَّ أَطِلْ عُمْرَهُمَا مُصْلِحَيْنِ
لِلْمُوظَّفِينَ وَالرَّعِيَّةِ وَالْبِلَادِ، وَبَلِّغْ مَقاصِدَهُمَا لِطَرِيقِ
الهُدَى وَالرَّشَادِ.

يا الله، اڠكاوله توهن يغ مها بركواس، كامي
برشكور كحضراتمو يغ تله مغورنياكن رحمة دان
كبركتن كقد نكري اين يغ تروس سجهترا دان
ماجو، سرتا رعيتش برساتو قادو، دباوه ناءوغن دان
قيمقين راج كامي سباكاي كتوا اكام إسلام دنكري
اين.

جوسترو كامي قوهون كحضراتمو يا الله،
تتفكنله ايمان دان فكغن كامي كقد أهلي السنة



والجماعة، فليهاراله كامى درقد اجرن يغ تركلوار
 درقد اسلام سقرتي قادياني دان اجرن ٢ يغ
 دفتواكن سست سقرتي شيعة. يا الله، يا رحمان،
 يا رحيم، ساتوكنله هاتي ٢ كامى، كورنياكنله كامى
 رزقي يغ لواس لاني بركة، كاياكنله كامى دغن علمو
 يغ برمنفعة دان ليندوغيله كامى درقد بالا بنجان.
 يا الله، كورنياكنله فتونجوق كقد كامى اونتوق
 منديريكن صلاة فرض ليما وقتو سچارا برجماعه،
 منوناىكن زكاة ملالوئي لمباك زكاة سلاغور، موقف
 دان مغيانفاقن هرتا ملالوئي قربادنن وقف
 سلاغور دان تابوع امانه قмбаغونن اسلام سلاغور.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا
 لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الآخِرَةِ
 حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي
 الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
 يَعِظُكُمْ لَعَلَّكُمْ تَذَكَّرُونَ ﴿٩٠﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ
وَاللَّهُ يَعْلَمُ مَا تَصْنَعُونَ.
